

Na osnovu člana 27. i 38. Zakona o ustanovama ("Službeni list RBiH", broj 6/92,8/93 i 13/94), člana 65. Zakona o zdravstvenoj zaštiti ("Službene novine Federacije BiH", broj 46/10, 75/13) i člana 8. stav (4) Zakon o Gradu Gradačac ("Službene novine Federacije BiH", broj: 30/19), Upravni odbor Javne zdravstvene ustanove Centar za fizikalnu medicinu, rehabilitaciju i banjsko liječenje "Ilidža" Gradačac na 1. hitnoj telefonskoj sjednici održanoj 17.07.2024. godine, d o n o s i

**IZMJENE STATUTA
JAVNE ZDRAVSTVENE USTANOVE
CENTAR ZA FIZIKALNU MEDICINU, REHABILITACIJU
I BANJSKO LIJEČENJE "ILIDŽA" GRADAČAC**

I. Opće odredbe

Član 1.

U Statutu Javne zdravstvene ustanove Centar za fizikalnu medicinu, rehabilitaciju i banjsko liječenje "Ilidža" Gradačac (u daljem tekstu: javna zdravstvena ustanova) broj: 01-1317/2017 od 03.08.2017. godine na koji je Općinsko vijeće dalo saglasnost Rješenjem broj:01-05-279/2017 od 05.09.2017. godine, stupio na snagu dana 22.09.2017. godine, vrše se sljedeće izmjene i to:

Član 2.

II. Osnivač, naziv i sjedište javne zdravstvene ustanove

U članu 3. mijenja se stav (1) i glasi:

Osnivač javne zdravstvene ustanove je Gradsko vijeće Grada Gradačac.

Član 3.

U članu 12. mijenja se tačka 6. i 7. glase:

- iz sredstava osnivača koja se prvenstveno obezbjeđuju za unapređenje rada javne zdravstvene ustanove i kvaliteta zdravstvenih usluga čiji nivo Gradsko vijeće prati i kordinira kroz Zdravstveni savjet koji imenuje Gradonačelnik,
- iz sredstava budžeta federacije, kantona, odnosno Grada.

V. Prava i obaveze osnivača u pogledu obavljanja djelatnosti; međusobna prava i obaveze osnivača i javne zdravstvene ustanove

Član 4.

U članu 18. mijenja se stav (1) i glasi:

Javna zdravstvena ustanova obavlja pretežnu (osnovnu) djelatnost od općeg interesa za Grad Gradačac.

VI. Organ upravljanja i organ rukovođenja javne zdravstvene ustanove, stručna tijela

Član 5.

U članu 21. mijenjaju se stav (2) i (3) i glase:

Postupak izbora i nominovanja kandidata u Upravni odbor provode nadležni organi zasebno za svoje kandidate, u skladu sa bližim kriterijima utvrđenih od strane Gradskog vijeća.

Prijedlog nominiranih kandidata dostavlja se Gradonačelniku radi utvrđivanja konačnog prijedloga za imenovanje članova Upravnog odbora od strane Gradskog vijeća Grada Gradačac.

Član 6.

(Nadležnost Upravnog odbora)

Član 25. mijenja se i glasi:

Predsjednik i članovi Upravnog odbora imaju odgovarajuću naknadu za svoj rad. Visinu naknade za rad predsjednika i članova Upravnog odbora određuje Upravni odbor, u okviru elemenata utvrđenih propisom Gradskog vijeća Grada Gradačac.

Član 7.

Član 28. mijenja se i glasi:

Direktora javne zdravstvene ustanove imenuje Upravni odbor na osnovu konkursa, koji se objavljuje u javnim glasilima, uz prethodno obavljen intervju sa prijavljenim kandidatima i uz prethodno pribavljenu saglasnost na izabranog kandidata od strane Gradonačelnika.

Član 8.

U članu 29. u stavu (2) brišu se riječi:
“(specijalista fizikalne medicine i rehabilitacije)”.

Član 9.

U članu 51. mijenjaju se stav (1) i (2)

Na nivou Grada osniva se zdravstveni savjet. Prilikom osnivanja savjeta poštivat će se princip održavanja ravnopravne zastupljenosti oba spola.

Zdravstveni savjet imenuje Gradonačelnik na osnovu javnog poziva i to iz redova pacijenata, mladih, jedinice lokalne samouprave, komora iz oblasti zdravstva, stručnih udruženja, udruženja za zaštitu prava pacijenata, sindikata zdravstvenih ustanova, Crvenog krsta /križa, te drugi prestavnici.

Član 10.

Ostale odredbe Statuta JZU Centar za fizikalnu medicinu, rehabilitaciju i banjsko liječenje “Ilidža” Gradačac ostaju na snazi.

Član 11.

Ove izmjene Statuta, nakon pribavljene saglasnosti od strane Osnivača stupaju na snagu osmog dana od dana objavljivanja na Oglasnoj ploči javne zdravstvene ustanove.

Javna zdravstvena ustanova
Centar za fizikalnu medicinu,
rehabilitaciju i banjsko liječenje
“Ilidža” Gradačac
- UPRAVNI ODBOR -



Predsjednik Upravnog odbora
Husein Topčagić

Broj: 01-1984/2024
Datum: 17.07.2024. god.